



**Komisije za društvene djelatnosti, ljudska  
prava, mlade i ravnopravnost spolova**

Broj: 01-04-1650/23-AP-2

Datum: 13.07.2023. godine

Na osnovu člana 13. Privremene Statutarne Odluke Grada Zavidovići i člana 18. stav 2. Odlukom o priznanjima općine Zavidovići („Službeni glasnik Općine Zavidovići“, broj: 2/17), Komisija za društvene djelatnosti, ljudska prava, mlade i ravnopravnost spolova, objavljuje:

**JAVNI POZIV**  
**za podnošenje inicijativa za predlaganje**  
**dobitnika priznanja - Počasni građanin Grada Zavidovići**

U povodu 15. Septembra – Dana Grada Zavidovići, u skladu sa Odlukom o priznanjima Grada Zavidovići, Gradsko vijeće Zavidovići dodjeljuje građanima Bosne i Hercegovine i stranim državljanima, priznanje Grada Zavidovići:

- **Počasni građanin Grada Zavidovići,**

**Počasni građanin Grada Zavidovići** je priznanje koje Gradsko vijeće Zavidovići dodjeljuje građanima Bosne i Hercegovine i stranim državljanima koji su u dužem vremenskom periodu vodili aktivnosti i poduzimali konkretne radnje u pravcu afirmacije Grada Zavidovići, koji su konkretnim radnjama i djelovanjem doprinosili razvoju Grada Zavidovići u određenim poljima privrednog i društvenog djelovanja.

Priznanje Počasni građanin Grada Zavidovići može se dodijeliti svake četiri godine najviše u jednom primjerku.

**Uslovi za dodjelu**

Počasni građanin može biti lice koje se aktivno zalagalo i uspješno djelovalo na polju poboljšanja međunacionalnih odnosa, ljudskih prava i sloboda, vjere i kulture, demokratskih tekovina, humanosti, solidarnosti, razvoja privrede i zapošljavanja i drugim poljima kojima se stvaraju uslovi boljeg življenja.

Priznanje Počasni građanin ne može se dodijeliti osobama sa prebivalištem u Gradu Zavidovići.

Nosiocu priznanja koji je proglašen Počasnim građaninom dodjeljuje se Ključ Grada Zavidovići.

**Za rangiranje kandidata za dodjelu priznanja Počasni građanin Grada Zavidovići primenjuju se slijedeći kriteriji:**

- postali inovatori na tehničkim i drugim unapređenjima,
- posebno doprinijeli razvoju lokalne samouprave u Gradu i mjesnim zajednicama,
- ostvarili izuzetne rezultate u oblasti sporta, vaspitno-obrazovnom radu, naučnom radu, u oblasti umjetnosti i kulture,
- kao donatori humano postupali prema pojedincima i kolektivima,
- objavili više naučnih verifikovanih radova,

- dali izuzetan doprinos u drugim područjima rada i djelovanja, s tim što rad nosioca priznanja na aktivnom zalaganju i uspješnom djelovanju mora biti sproveden u kontinuitetu u jednom vremenskom periodu koji nije kraći od pet godina.

Izuzetno priznanje Počasni građanin Grada Zavidovići može se dodijeliti nosiocu priznanja koji je ostvario impozantan rezultat ili podvig u sferi društvenog i privrednog života, iskazao izuzetnu hrabrost i požrtvovanje u određenim situacijama ili dao izuzetan doprinos odbrambenom ratu bez obzira na protek vremena i kontinuitet u radu i djelovanju.

### **Inicijativu za dodjelu priznanja Počasni građanin Grada Zavidovići, mogu podnositi:**

- grupa građana od najmanje 20 lica sa svojeručnim potpisom i matičnim brojem,
- ustanove,
- privredna društva,
- savjeti mjesnih zajednica,
- udruženja građana,
- Gradonačelnik,
- vijećnici Gradskog vijeća Zavidovići,
- radna tijela Gradskog vijeća Zavidovići,
- i drugi pravni subjekti.

#### **(Forma inicijative)**

Inicijativa za dodjelu Počasnog građanina podnosi se u pismenoj formi sa obrazloženim navodima svih relevantnih činjenica za ocjenu zasluga odnosno uspjeha predloženog kandidata, te mora sadržavati potrebne dokumente i priloge kojim se dokazuju činjenice iz inicijative.

Inicijativa mora sadržavati:

- podatke o podnosiocu inicijative,
- biografiju kandidata i naznaku priznanja za koje se predlaže.

Podnosilac inicijative ne može sam sebe predlagati, niti može biti kandidat za dodjelu priznanja.

U slučaju da podnosilac inicijative bude predložen i kao kandidat za priznanje, dužan je da pismeno odustane od prijedloga ili kandidature.

Općinsko priznanje Počasni građanin Grada Zavidovići ne može se dodijeliti nosiocu priznanja kojem je već dodijeljeno takvo priznanje.

#### **Rok za podnošenje prijedloga je do 14.08.2023. godine.**

**Javni poziv je objavljuje** u lokalnim medijima („Smart TV“, „Radio 1503“), na oglasnoj tabli i web stranici Grada Zavidovići i oglasnim tablama mjesnih zajednica u trajanju 30 dana, od 14.07.2023. godine do 14.08.2023. godine.

**Nepotpune i neblagovremene prijave na Javni poziv nadležna Komisija neće uzimati u razmatranje.**

**Prijedloge uputiti na adresu:** Grad Zavidović, Gradsko Vijeće, Komisija za društvene djelatnosti, ljudska prava, mlade i ravnopravnost spolova, sa naznakom „Prijedlog za dodjelu priznanja - Počasni građanin Grada Zavidovići, ne otvaraj, Ulica „Safvet bega Bašagića broj: 9., 72220 Zavidovići.

Prijedlozi se mogu uputiti putem pošte ili predati neposredno na protokol Grada Zavidovići.

Više informacija putem telefona 032/206-776 ili 032/ 206-778.

PREDSJEDNIK KOMISIJE

Haris Ibrić